



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXVIII. Acquisitio & amissio privilegii.

[urn:nbn:de:hbz:466:1-73203](#)

tenus patitur verborum proprietas. Decius conf. 113. viso tenore n. 6. vers. & idem. Abbas ad cap. olim de verbis signif. n. 4. vers. & ex hoc. Fagnanus ibidem num. 23. Si etiam privilegium sit in favorem cultus divini, latè interpretandum est in præjudicium tertii. Calderinus confil. 412. de privilegiis. Fagnanus loco citato n. 25. Si denique privilegium sit in præjudicium concedentis, contra ipsum latè est interpretandum. cap. quia circa de privilegiis.

325 2°. Privilegium dividitur in reale & personale. Personale est quod conceditur ratione personæ. Proinde cum persona extinguitur. Reg. 7. jur. in 6. Ipsam tamen personam sequitur & comitatur ubiquecumque fuerit. *L. in omnibus ff. de reg. jur.*

Reale est quod conceditur ratione rei à persona distinctæ, v. g. ratione dignitatis, vel officii, vel loci, &c. Ideò non extinguitur cum persona, sed transit ad hæredes, vel successores, duratque toto tempore quo durat res, ratione cuius conceditur. Reg. 68. jur. in 6. Si sit concessum ratione loci, extenditur ad omnes personas ibi existentes, etiam forenses, & extraneas. Fagnanus ad cap. *inter alia* de immunitate. Eccle. n. 82. ex Bartolo, & Baldo.

326 Quod si dubitetur, an privilegium reale sit, an personale, in casibus n. 324. enarratis (quibus latè est interpretandum) censeri debet reale. In aliis vero, in quibus strictè est interpretandum, censeri debet personale. Ita Doctores communiter.

327 3°. Dividitur in gratiosum, & remuneratorium. Gratiosum est quod conceditur merè gratis. Remuneratorium, quod conceditur ob merita, sive in remunerationem obsequiorum, &c. Quæ quidem remuneratoria concessio vel fieri potest ex debito iustitiae, vel ex debito gratitudinis & decenniae. Priori modo sunt strictè remuneratoria, sapiuntque naturam contractus onerosi, & sic revocantur ad conventionalia. Posteriori modo non sunt strictè remuneratoria, nec sapiunt naturam contractus, ideoque faciliter revocari possunt.

328 4°. In conventionale & absolutum. Conventionalis est quod conceditur ex pacto; servandum proinde ex iustitia. Absolutum est quod sine pacto conceditur. Absoluta quidem revocari possunt; non vero conventionalia, nisi ex gravi causa ad publicum bonum pertinente. Doctores communiter ad cap. *qua in Ecclesiis de Confutat.* Unde quia privilegium concessum ex causa onerosa transit in contractum, non potest per Principem revocari. Fagnanus ad cap. *ex epistola de probat.* n. 18. & ad cap. *relatum ne Clerici,* vel Monachi n. 24.

329 Porro ad Principem concedentem privilegium, ejus interpretatio pertinet. Fagnanus ad cap. olim de verbis signif. n. 34. Quandomcumque ergo obscura sunt verba pri-

vilegiorum à Papa concessorum, pro eorum interpretatione adeundus est Papa; nec licet in judiciis pro eorum interpretatione recurere ad Metropolitanum, nec Episcopum, nec Conservatorem. Fagnanus ad cap. *sane* 2. de officiis delegat. n. 49.

C A P U T X X X V I I I .

Acquisitio & amissio privilegiis.

Privilegium acquiritur vel expressâ Prin- 330 cipis concessione, vel consuetudine tacitè probatâ à Principe. Quæ, ut praescripta contra jus civile, debet esse continuata per decennium; ut contra jus canonicum, requiriatur tempus 40. annorum. cap. *de quarta* & cap. *ad aures* de praescript. Ut contra privilegia Regularium, juxta eorum privilegia, requiritur spatium 60. annorum. Ut denique contra Romanam Ecclesiam, & jura Papæ reservata, requiritur tempus immemoriale, & plusquam centenarium. Authent. *qnas actiones Cod. de sacrosanct. Eccles. cap. super quibusdam §. praterea de verb. signific.*

Ut autem valeat concessum privilegium, 331 debet innotescere, sufficienterque publicari: cum sit lex quædam privata. Imò ut valeat, effectumque fortiat, non solum debet esse notificatum privilegiato, sed & ab eo acceptatum per se, vel per procuratorem suum. Cum sit donatio quædam, quam donatarius scire debet & acceptare. Unde *L. quis absenti ff. de acquir. possess. dicitur, libertatem non acquiri per rescriptum manumissionis, donec servus sciat & acceptet.* De legitimitate idem dicitur in Authent. *quibus modis nat. offic. §. illud autem.* Idem de concessione beneficij cap. 1. de concess. præbend. in 6. vers. *ex parte.* Idem de jurisdicitorio, seu jurisdicitionis ufo. *Lege barbarius Cod. de officio Praetoris.*

Valet quidem privilegium à Principe con- 332 cessum ignorantis, quantum est ex parte con- cedentis, nisi oppositum Princeps velit. Sa verbo *gratia* n. 23. Vasquez 1. 2. disp. 156. n. 33. Nec enim refert à quo privilegium impetratum sit, dummodo sit à Principe concessum. *L. universi Cod. de precib. Imperat. offer.* Valet (inquam) sive impetratum ad petitionem illius (pro quo conceditur) vel alterius pro eodem, cap. *si motu proprio* de præbend. in 6. sed non valet usus privilegii (ex parte privilegiati) nisi ab ipso acceptetur & cognoscatur per se, vel per alium, v. g. per procuratorem, cui res commissa est, vel (ut in Religionibus accidit) per eum à quo acceptatio dependet, v. g. per Generalem Religionis.

Et sic admitto (cum Sanchez, & pluribus aliis) eum qui per procuratorem in Curia Romana dispensationem petit super aliquo matrimonii impedimento, validè matri-

monium contrahere, si illud contrahat post concessionem illius Romæ factam, licet ipsi nondum intimatam. Quia hoc ipso quod per procuratorem illam petit, illam per ipsum cognovit, & acceptavit. Sic etiam valet matrimonium sub conditione contractum, hoc ipso quod conditio purificatur, licet purificatio ignoretur, saltem in receptissima sententia Canonistarum, quos refert sequiturque Fagnanus ad cap. super eo, de condition. ap. pof. n. 3. atque ex Theologis sequuntur Paludanus, Petrus de Soto, Thomas Sanchez, & alii, dicentes quod matrimonium per verba de presenti, coram Parocho & testibus, sub conditione licita contraactum, purificata conditione, abique novo consensu statim perficiatur. Quam etiam sententiam in praxis servat Curia Romana, probaruntque (cum S. Congregatione) Pius V. & Clemens VIII. ut refert Fagnanus ibidem n. 5. & 6.

334 Admitto etiam Religiosum validè absolvare in vim privilegii ab Ordine acceptati, licet à Religioso illo ignorati, modo intendat absolvire. Quia reverè potestatem habet absolvendi, nec ad validam absolutiōnem necessit̄ est quod intendat abſolvire in vim talis vel talis privilegii; sed sufficit quod reverè habeat virtutem, seu potestatem (etiam si ignoret se habere) & intendat abſolvire.

335 Denique videtur admitti posse quod docent Navarrus, Henriquez, Sanchez apud Dianam ipsos sequentem p. 8. tract. 3. refol. 87. dispensationem impetratam & acceptatam ab altero volentium inire matrimonium, si sit impetrata super impedimento affidente utrumque, v. g. super cognatione, vel affinitate, prodeesse etiam comparti ignorantis. Quia eo ipso quo alter ex his suam dispensationem acceptat, fit habilis ad contrahendum cum altero; quod cum fieri nequeat nisi uterque habilis sit, valor dispensationis cum uno, necessariò annexum habet valorem dispensationis cum altero.

336 Quemadmodum autem concessione Principis, privilegium acquiritur; sic amittitur revocatione ipsius, vel successoris, si privilegium sit gratiosum, non conditionalē, vel strictè remuneratorium. Privilegia tamen à Principib⁹ ſecularibus concessa Ecclesiæ, vel Ecclesiasticis personis, ab ipsiis revocari non possunt, ut pluribus ostendit Donatus Layensis in praxi rer. Regul. to. 1. tr. 13. q. 4. Privilegia etiam Mendicantium, ut-pote remuneratoria, à Papa revocari non posse quidam dicere non verentur. Sed eos errare manifestum est, tum quia non sunt strictè, sed latè tantum remuneratoria. Tum quia quod plerūmque fit à Summis Pontificibus & Conciliis, nefas est dicere quod fieri non possit. At modò ista, modò illa Mendicantium privilegia frequenter revocantur à SS. Pontificibus & Conciliis. Nec dubium plurima revocata esse à Concilio Tridentino,

quibus jam Regulares in conscientia utine-queunt. Cùm propositio ista damnata sit ab Alexandro VII. Regulares possunt in foro con-ſentia, uti privilegiis suis, que sunt expreſſe re-vocata per Concilium Tridentinum.

Sed damnatae iſtius propositionis occaſione queritur 1°. an sola illa Regularium privilegia per Tridentinum sublata sint, que sunt expreſſe per Tridentinum revocata, per additamentum hujus clausula: non obſtan-bus quibuscumque privilegiis in contrarium? An etiam illa, quibus licet Tridentinum oportuit sanxerit, clausulam tamen privi-legiorum revocatoriam non adjectit?

Sola priora eſſe per Tridentinum sublata, nec generales diſpositiones Concilii Tridentini, Mendicantium privilegiis contrarias, iis derogare, niſi adiectam habeant clausulam, eorum expreſſe revocatoriam, docent Suarez, Miranda, Portel, Hieronymus Rodriguez, & noſter Petrus ab Angelis in specul. privileg. Regular. disp. 6. ſect. 1. n. 32. ubi plures alios refert. Ita etiam novissime Joannes Boſco de Sacram. p. 4. disp. 10. n. 245. & ſeqq.

Sed contrarium videtur dicendum. 1° quia 338 Tridentinum ſeff. 25. cap. 22. de Regularibus ſic habet: Hac omnia & singula, in ſuperioribus Decretis contenta, obſervari S. Synodus praecipit in omnibus Canobiis, ac Mo- uafiteriis, ac Domibus quorūcumque Monachorum, & Regularium, &c. non obſtan-bus eorum omnium ac ſingulorum privilegiis, ſub quibuscumque formulis verborum concepit. Quam revocationem licet Boſco & alii pu-tent ſolum cadere ſupra privilegia contra-ria Decretis illius ſeffionis 25. non ſupra privilegia contraria Decretis aliarum ſeffionum, quibus adiecta non eſt clausula revocatoria privilegiorum: per eam tamen revocata eſſe omnia Regularium privilegia, etiam contraria Decretis aliarum ſeffionum, quibus adiecta non eſt clausula revocatoria, ſeu derogatoria privilegiorum, nec proinde iis privilegiis Regulares uti poſſe docet Do-natus Layensis to. 1. rer. Regular. tract. 11. q. 15. cum Navarro, & fatis probable putat noſter sapientissimus Lezana qq. regu-lar. to. 2. c. 1. n. 58. Et ita S. Con-gregationem ſæpius cenſiuit Donatus teſta-tur ibidem; & ipsius hac de re declarations refert Card. Bellarminus in citatum cap. 22. Concilii Tridentini.

Secundò, quia Pius V. in Bulla quæ in-339 cipit, in Principis Apoſtolorum, motu proprio, & ex certa ſcientia, ac de plenitudine po-teſtatis ampliſſimè revocat omnia & singula pri-privilegia, indulta, facultates, mare magnum, &c, in his omnibus & singulis, in quibus privilegia illa contrariantur Decretis Tridentini, caue, perinde ac ſi de verbo ad ver-bum inferta forent, ipſo jure revocata, cal-fata, annullata, & ad ipsius Concilii terminos redacta declarat, nec aduersus Decreta &

Statuta ipsius magis suffragari posse, ac si numquam emanassen. Quæ profectò verba propriissime & certissimè recipiunt omnia & singula totius Concilii, & non sessionis 25. dumtaxat, prout ex tenore constat. Ait enim in eodem Concilio plurima statuta, quibus privilegia illa convariantur. Et ita successores Pontifices passim intellexerunt. Ideò namque in Bullis suis, quibus Regularium privilegia confirmarunt, vel alii Ordinibus concederunt, clausulam hanc addiderunt: *dummodo, vel quatenus Decretis Concilii Tridentini non adverterentur, vel contraria non sint, &c.* Ita Gregorius XIII. in Bulla *Romanus Pontifex*, confirmatoria privilegiorum Præmonstratensium. Et in alia confirmatoria privilegiorum Ordinis SS. Trinitatis, Redemptionis Captivorum. Ita etiam Sixtus V. in Bulla *super specula* 70. in Bullario Roman. Gregorius XIV. in Bulla *Romanus Pontifex*, in qua Cruciferis confirmat privilegia à Prædecessoribus suis concessa. Sub eadem clausula Clemens VIII. in Bulla *Pastoralis officii* confirmat privilegia Minorum de Observantia, sicut & Paulus V. in Bulla *injuncti nobis* privilegia Cælestinorum, & Gregorius XV. in Bulla *ad uberes fructus*, & in Bulla *Salvatoris nostri*, & Urbanus VIII. in Bulla *injuncti nobis* 21. Bul. Rom. & Innocentius X. in Bulla *universalis Ecclesia*, data 1648. in favorem Xenodochii S. Joannis Hierosolymitani.

340 Tertiò, quia in Decreto sessionis 14. cap. 17. quo declaratur, inferiores Sacerdotes, extra mortis articulum, sine licentia Episcopi, absolvere non posse à casibus Episcopi reservatis, comprehenduntur Regulares, etiam Mendicantes, non obstantibus privilegiis fibi ante concessis, quæ revera (five per illud Tridentini Decretum, five per alata verba sessionis 25. cap. 22.) sublata sunt, tametsi in Decreto illo sessionis 14. c. 7. nulla adjecta sit clausula eorum revocatoria. Quod enim (eo non obstante) privilegia illa per Tridentinum sublata sunt, Summi Pontifices, & sacra Congregatio disertis verbis sibi declararunt. Videatur Declarationis S. Congregationis 17. Novembris 1628. sub Urbano VIII. Dicit enim, *per confirmationes privilegiorum, quas Regulares à Sede Apostolica post Concilium Tridentinum obtinuerunt, nequaquam revixisse privilegia, prius ab eodem Concilio (nota) ac deinde etiam ipsius Congregationis Decretis sublata atque extincta, qua habebant absolvendi à casibus, Ordinario loci reservatis....* Quam Declarationem Sanctissimas Sua (id est Urbanus VIII.) ad se relata approbavit, mandavitque ab omnibus, ad quos spexit, inviolabiliter observari. Quæ verba repetit Clemens X. anno 1670. in Bulla *superna magni Patris familias*. Quapropter Miranda in Manuali Prelator. to. I. q. 46. a. 4. merito döcet, quod privilegia Confessariis Regularibus olim concessa,

absolvendi à casibus, Episcopis specialiter reservatis, revocata sunt per Concilium Tridentinum. Comitus eriam l. x. respon. moral. q. 25. dicit, quod sententia, *aiens Regulares absolvere posse à casibus, Episcopis reservatis, nullà ratione defendi queat, propter Concilii Tridentini Decreta, &c.* Sed hac de re plura to. 3. ubi de Pœnitentia Sacramento.

Nec præmissis obstat Bulla Pii V. eis *Mendicantium*, in qua, ex certa scientia, & de potestate plenitudine, confirmat, & observari præcipit Mendicantium privilegia, etiam in multis quæ sunt contra Decreta Concilii Tridentini. Siquidem Gregorius XIII. ipsius successor, in Bulla quæ incipit, *in tanta rerum & negotiorum mole*, Bullam illam Pii V. revocavit, & ad terminos Concilii Tridentini reduxit.

Quæritur 2º. an privilegia, corpori juris 342 inserta, sufficienter revocata censeantur per istam Concilii Tridentini clausulam, *privilegiis non obstantibus*? Sunt qui negent, & requirunt specialem de ipsis mentionem, vel derogationem juris communis, cui inserta sunt. Eò quod privilegia, corpori juris inserta, jam non sunt privilegia, sed aliud nobiles nomen sibi vendicent; nec solum sunt juri privatum, seu particolare; sed generale & commune, quod per clausulas generales non abrogatur.

Sed contrarium est dicendum. 1º. Quia privilegium insertum extravaganti *super calendram*, & Clementina *dudum* de lepulturis, imò & Concilio Lateranensi sub Leone X. sess. 11. quod Regularis, Episcopo præfatus, & ab ipso iustè rejectus, confessiones excipere possit, quodque ipsi confitentes fastificiant præcepto annua confessionis: istud (inquam) privilegium censetur sufficienter revocatum per Tridentinum sess. 23. c. 19. hoc ipso quod ad confessiones audiendas Episcopo approbationem obtentam, etiam in Regularibus requirit, privilegiis & consuetudine quacunque non obstantibus. Non ergo requiritur specialis illa mentio, sed contraria dispositio cum clausula generali sufficit. Consequentia patet. Veritatem vero antecedentis S. Congregatio declaravit, teste Fagnanus ad cap. *omnis de poenit.* & remiss. n. 61. eo utique Tridentini Decreto restrictum est, quod Regularibus concessum in dicta Clementina *dudum*. Ideoque Alexander VII. damnavit hanc propositionem: *Satisfacti præcepto annua confessionis, qui confitetur Regulari, Episcopo præfato, sed ab eo iustè reprobato.*

2º. Quia privilegia, ex hoc quod corpori juris inserta sunt, non desinunt esse privilegia (inquit Fagnanus ad cap. *in his de privilegiis*) ergo comprehenduntur in generali privilegiorum derogatione. Probatur assumptum, quia multa privilegia in corpore iuriis inserta leguntur cap. 6. de *rescriptis* cap. 23. 24. & 30. de *privilegiis*, & cap. 2. 6. & 12. eod. tit. in 6º.

345 3º. Tametsi privilegium corpori juris interestum transeat in jus commune (respectu nominatorum in privilegio) tamen juri communi necesse non est specialiter derogari : quia jus commune posterius tollit prius sibi contrarium, licet de eo mentionem non faciat. Siquidem *Romanus Pontifex condendo Constitutionem posterioriem, priorem, quamvis de ipsa mentionem non faciat, revocare censetur.* cap. 1. de Constitut. in 6. cap. va/ā de consecr. diff. 1. & cap. 1. de cognat. spirit. Ita Innocentius, Felinus, & (tete Fagnano ad cap. nonnulli de rescript. n. 40.) Doctores omnes in citatum 1. cap. de Constit. in 6.

346 4º. Quia, ut idem Fagnanus ostendit ad caput in his de privileg. n. 12. quotiescumque Concilium Tridentinum sustulit privilegia, sustulit etiam inserta in corpore juris, absque mentione istius insertionis. Nullibi enim, ex stylo Concilii, in generalibus derogationibus privilegiorum fieri consuevit talis mentio. Non imprimis sest. 5. c. 2. & sest. 23. c. 15. ubi revocat privilegia Regularium inserta Clementinae *dudum* de sepult. Nec sest. 7. c. 8. & sest. 24. c. 9. ubi derogat privilegiis exemptorum, de quibus cap. luminoso 18. q. 2. & cap. cum Episcopis de offic. Ordin. in 6. Nec sest. 14. c. 5. ubi derogat dispositioni cap. fin. de offic. deleg. in 6. quoad durationem conservatorum. Nec sest. 23. cap. 8. & 10. ubi revocat privilegia inferiorum quoad ordines & dimissiores, de quibus in cap. cum ultis de temporib. ordin. in 6. & cap. Abbates de privileg. eod. lib. Nec in sest. 24. c. 18. ubi ex sententia Congregationis sustulit indulsum studentium, interestum in cap. cum ex eo de elect. in 6. Alios multos casus ad idem refert Fagnanus ad cap. nonnulli de rescript. à num. 42.

347 Imò ne antiquorum quidem Conciliorum mentionem facere solet Tridentinum, si quando justis & rationabilibus de causis contra illa aliquid statuit, ut rursum Fagnanus ostendit ad cap. nonnulli de rescript. n. 42. Nam sest. 25. de Regular. c. 2. nullā factā mentione Concilii Lateranensis, correxit (uti S. Congregatio alias declaravit) permissionem, quam Concilium istud in cap. Monach. de statu Monachor. fecit Monachis habendi peculium de licentia Abbatis. Et sest. eadem cap. 6. ex sententia S. Congregationis, sustulit formam eligendi per compromissum, vel quasi per inspirationem, à Concilio Lateranensi praecripam in cap. quia propter de elect. Nullam tamen istius Concilii mentionem fecit, sicut nec mentionem fecit Concilii Viennensis sest. 23. c. 12. tametsi ibi abrogat dispositionem ipsius, quā constitutum erat, ut quis ordinari posset Subdiaconus decimo-octavo sua ætatis anno, & Diaconus vigesimo. Idemque in privilegiis observat eadem S. Synodus, sive illa conciliaria sint, sive non, uti n. 343. ostensum est de

privilegio audiendi confessiones sine licentia Episcopi, dum eam injustè recusasset.

Si dicas, per derogationes generales, non 348 censeri derogatum dispositionibus Conciliorum Generalium, nisi adsit clausula eorum specialiter derogatoria cap. ex parte & cap. nonnulli de rescript. cap. eam te de ætat. & qualit. & cap. ex parte de Capell. Monach.

Respondeo cum Fagnano ad citatum cap. nonnulli num. 28. hoc non procedere in derogationibus generalibus, quae fiunt per leges generales, & maximè per Decreta Conciliaria, sed in iis dumtaxat quae fiunt per litteras gratiæ, & rescripta Apostolica contra jus. De ejusmodi namque rescriptis agitur in canonibus objectis, prout videre est apud Fagnanum. Et ratio, cur in iisis specialis derogatio potius requiratur, quam in illis, est, quia leges generales summa cum deliberatione, & magna solemnitate fiunt; litteræ vero gratiæ, & rescripta contra jus, plerūmque à Summis Pontificibus per occupationem, vel importunitatem extorquentur, quas verisimiliter non concessissent, si ad contrariam Concilii Generalis dispositionem animum applicuisserent. Ideò ergo Pontifices, in canonibus objectis, sanxerunt, ut eorum rescripta, Generalis Concilii Decretis adversantia, vigorem non habeant, nisi in eis derogatum fuerit Generali Concilio. Et signanter Honorius III. in cap. ex parte de Capell. Monach. decernit non valere litteras gratiæ contra Lateranense Concilium, à quibusdam Monachis impetratas sine mentione istius Concilii. Nam ut Pontifex ait, *hujusmodi litteras ab Apostolica Sede non credimus emanasse. Quod si per occupationem forsan emanaverint, notamus per hoc derogari Concilio supradicto.* Quia (ut Glossa ait ibidem) tales litteræ presumuntur extortæ, vel per nimiam occupationem Romani Pontificis, vel per importunitatem petentium: cum (ut dicitur cap. sequendo de sent. excom.) per ignorantiam, vel negligientiam, aut occupationem nimiam, vel etiam per subrepitionem contingat hujusmodi litteras imprimari, vel per importunitatem, ut dicitur in cap. tno fraternitas de Presbyter. & in L. 1. C. de petitionib. bon. sublat. lib. 10. ubi Imperator dicit: *Per importunitatem non concedenda sapè concedimus.* In istis proinde Papa presumuntur circumventus, inquit Geminius consilio 36. quod collatio n. 2.

At hujusmodi rationes cessant (inquit Fagnanus n. 35.) cum Generali Concilio opponitur aliud Generale Concilium. Nam quod pertinet ad solemnitatem, utrumque celebratum censetur pari deliberatione, & maturitate, palamque est, decreta in Generali Concilio posteriore, censeri non posse extorta per ignorantiam, seu immemoriam, vel negligentiam, nec per occupationem, vel importunitatem, aut circumventionem. Quia nec error juris, nec immemoria anti-

quorum Conciliorum , aut Canonum , prae-
sumi potest in generali Concilio. *Quod enim
à pluribus queritur sapientibus , facilis inveni-
tur. cap. de quibus dist. 20. & per ampliores
homines veritas perfectissima revelatur. L. ult. C.
de fideicommiss. in fine, & cap. extra conscientia-
tiam dist. 64. Non potest etiam præsumi
nimis occupatio Episcoporum, in Concilio
congregatorum : cùm alii negotiis non va-
cent. Non denique importunitas : quia sin-
guli articuli exquisitissimè discutiuntur, ac
deinde Patrum suffragiis , non extortis, sed
liberrimis definiuntur. Nulla proinde ratio
est, cur dispositio posterioris Concilii Gene-
ralis, contraria dispositioni Concilii prioris,
ei non deroget, sine speciali mentione ipsius.
Imò est ratio in contrarium : quia par utrius-
que Concilii est authoritas & vinculum , &
nihil tam naturale , quām eo genere quo-
que dissolvit, quo colligatum est. L. nihil tam
naturale ff. de reg. jur.*

*350 Concludendum est igitur cum Fagnano
n. 37. per dispositionem posteriorem Con-
cili Generalis indistinctè censeri correcta
Decreta contraria priorum Conciliorum, li-
cet de eis mentio facta non fuerit, sicut &
generaliter per legem posteriorem corrigi-
tur lex prior, etiam nullā factā illius men-
tione , quando verba posterioris legis id re-
quirunt, uti apertè colligitur ex cap. 1. & 2.
de Constitut. in 6°. Et hanc sententiam pro-
bavit S. Congregatio Cardinalium Concilii
Tridentini Interpretum, ut videre est apud
Fagnanum ibidem. Quod si in Constitutio-
nibus generalibus subinde fiant derogationes
Concilii praecedentis , id censeri debet fieri
ad abundantiorem cautelam , non quòd talis
derogatio necessaria sit , ait Fagnanus n.
30.*

*351 Qui etiam n. 38. ex præmissis colligit ,
per legem generalem magis censeri deroga-
tum privilegiis insertis in corpore juris ,
quām non insertis. Nam etsi privilegiis ca-
nonum difficultius conseruit derogari ; ta-
men quoad non inserta allegata potest defen-
dēti intentionis Papæ, propter illorum igno-
rantiam , vel oblivionem (juxta illud cap.
ex parte de offic. delegat. Si memores fuissimus
nos pro predicto N. literas direxisse, adver-
sario nullatenus scripsissimus) qua ignorantia ,
vel oblio præsumi nequit de insertis in cor-
pore juris.*

*352 Amplius ex præmissis colligi potest, quòd
non semper requiratur expressa privilegio-
rum derogatio, imò nec mentio ; sed inter-
dū sufficit, quòd Legislator, illa sciens, le-
gem generalem sine exceptione statuat, ob
disciplinæ publicæ necessitatem, postulan-
tem ut lex omnes generaliter , & absque
exceptione obliget. Quod etiam significa-
re videtur lex 3. §. 5. ff. de sepulchro violato,
ibi : D. Adrianus rescripto pœnam statuit 40.
aureorum in eos qui in civitate sepelunt. Quid
tamen si lex municipalis permittat in civitate se-
peli?*

*post rescripta principalia, an ab hoc dis-
cessum sit, videbimus. Quia generalia sunt res-
cripta, & oportet Imperialia Statuta suam vim
obtinere, & in omni loco valere. Et Conci-
lium Tridentinum id fecisse videtur sess. 14.
c. 7. ubi postquam dixit, magnopere ad Chris-
tiani populi disciplinam pertinere, ut atrociora
quadam & graviora crimina , non à quibusvis,
sed à summis dumtaxat Sacerdotibus absolve-
rentur : postea sine ulla exceptione decer-
nit, inferiores sine licentia Superiorum nihil
posse in casibus ipsis reservatis, ac per hoc
derogavit privilegiis , licet eorum ibi men-
tionem non fecerit. Quia lex generalis, non
tam ex verbis, quām ex ratione legis, & vo-
luntate Legislatoris metienda est. Tulde-
nus de jurisprud. l. 2. c. 4. Surdus decis. 19.
& 52. Ratio vero allegata derogationem il-
lam exigit, & sine exceptione istam fuisse
Concilii mentem, S. Congregatio, à Sede
Apostolica legitimam habens itius Concilii
interpretandi autoritatem, semper intelle-
xit, ideoque ab eo tempore semper declara-
vit, Regulares, in vim privilegiorum ante
obtentorum, a casibus Episcopo reservatis
sine licentia ipsis absolvere non posse. Quod
& ipsi Summi Pontifices ex dictis num. 339.
declaraverunt.*

C A P U T X X X I X .

*Privilegia Religiosorum Mendicantium , m-
tuaque eorum communicatio.*

Summi Pontifices, attentes ad uberes 353
fructus, quos Religiosi Ordinum Mendi-
cantum Ecclesiae protulerunt, & quotidie
proferunt, multis & magnis gratiis & privile-
giis eos decoraverunt, quorum nonnulla ali-
bi exhibebuntur, volueruntque inter Ordines
Mendicantes perfectam gratiarum & pri-
vilegiorum communicationem; ita ut omnes
& singulæ gratiæ, concessiones, exemptio-
nes, facultates, privilegia, indulta, tam spi-
ritualia, quām temporalia, qualiacunque il-
la sint, uni Ordinum Mendicantium conce-
sa, & concedenda, hoc ipso communicentur,
& communicanda sint singulis alii Mendi-
cantum Ordinibus, perinde ac si eis specia-
liter concessa essent, vel forent. Communi-
cationem istam ex certa scientia, de Apo-
stolicæ authoritatis plenitudine fecit Leo X.
in Bulla *dudum per nos.*

Nec solùm voluerunt, ut singuli Ordines 354
Mendicantes perfectè communicarent in om-
nibus gratiis, privilegiis , &c , concessis &
concedendis cuicunque Ordinum Mendi-
cantum ; sed & quibuscumque aliis Ordinibus
non Mendicantibus. Hanc quippe com-
municationem Fratribus Minoribus Cle-
mens VII. anno 1527. concessit in Bulla *dum
fructus uberes*, cuius haec sunt verba : *necnon
etiam quibuscumque facultatibus, & gratiis, sus-
professionis regulari observantia non contrariis,*
alii